

# Utusan Borneo

10 FEBRUARI 2023

## Medevac bantu warga emas Orang Asli dapatkan rawatan di hospital

**GUA MUSANG:** Unit Udara Jabatan Bomba dan Penyelamat Malaysia (JBPM) melaksanakan penerbangan ihsan pemindahan perubatan (Medevac) bagi membawa seorang wanita Orang Asli di Kampung Jader, Pos Simpoh mendapatkan rawatan di Hospital Gua Musang, kelmarin.

Pegawai Perhubungan Awam JBPM Pangkalan Wilayah Tengah Subang Mohd Hasrizal Kamaruzaman berkata penerbangan tersebut menggunakan pesawat jenis Agusta Westland AW189 yang berlepas dari Malaysian Institute of Aviation Technology (MIAT), di Subang, Selangor.

Menurutnya pesakit warga emas, Amek Kutid, 82, mengalami demam panas, batuk dan bengkak kaki sejak tiga hari lepas berada dalam keadaan yang lemah.

“Pesawat berlepas pada jam 12.45 tengah hari dan sampai ke Kampung Jader pada 1.47 petang,” katanya. — Bernama